

statuto idem Narsis cum exercitu suo et cum omni gente Ticinensis civitatis cum victualibus et rebus eis necessariis versus Mediolani civitatem accedere minime dubitavit. Viri quoque urbis Mediolani, non tamquam timidi et pavidī, sed ut homines summe audacie et magne virtutis illis se obviam prebuerunt. Ipse autem in quodam campo inter Mediolanum et Ticinum posito sua posuit castra. Mediolanenses vero parvo terrarum spacio suas ordinaverunt albergarias. Qui campus usque in presentem diem Campus mortuorum dicitur propter mortuorum multitudinem, qui in ipso prelio interempti fuerunt. Et dum uterque sic staret exercitus, tertia die veniente signis bellicis summo diluculo¹ ab utraque parte motis et tubis per partes sonantibus prelium incipitur. Certatur enim ab ambabus partibus acriter et bellicose ab utrisque pugnabatur. Cum autem sic gravissime pugnarent, cum iam nox appropinquare videretur, percipientes Narsis et viri Ticinensis civitatis suos

*f. 48^a. in prelio deficere et resistere minime posse, ipse Narsis *cum sua actie in crebra inimicorum actie fortiter incurrit. Perideus vero dux Mediolani similiter cum gente sua se contra eos obviam prebuit et cum eis durissime pugnavit, ipsos etiam et Narsem et gentem suam et Ticinenses concives terga vertentes usque in castra fugavit. In quo prelio undecim milia armorum ex Ungariis et Ticinensibus civibus sunt cessa, et tria milia sunt capti; et ex civibus Mediolani duo milia quinquaginta quinque sunt interempti et septuaginta capti. Alia autem die adveniente summo diluculo percipientes Narsem et gentem suam et Ticinenses concives ad Ticinensem civitatem remeare proposuissent², insultum in eos summa vi facientes prelium cum eis commiserunt et cum eis fortiter et inimicabiliter pugnauerunt. Tandem videntes se viris bellicosis civitatis Mediolani resistere minime posse, terga vertentes eos expulerunt; quos Mediolanenses usque Ticinensem civitatem insecuti fuerunt, reliquos per campos, paludes, nemora amplius duodecim milibus³ fugaverunt. In quo bello interempti sunt ex Ungariis et civibus Ticinensibus tredecim milia et capti quinque milia quadraginta sex. Quo aperto Perideus cum omni gente sua magna cum letitia et nimio triumpho est reversus ad propria. Narsis autem omnibus suis collectis quos potuit, turbatus et valde perteritus, magno dolore commotus,

*f. 48^b. dolens, flens et gemens ad patriam suam redire *festinavit. Cum autem ante Elotarii regis sui presentiam existeret, que in Italia acciderant per ordinem apperuit. Dictus vero Elotarius predicta intelligens, de morte suorum et infortunia, que

1) 'dilicito' Hs. 2) So Hs. 3) Fehlt Hs. Vgl. unten f. 49^a: 'amplius decem milibus fugaverunt'; f. 50^d: 'amplius tribus milibus eos secuti fuerunt'; oben f. 44^b. u. s. w.